

an demselbin irme lipgedinge vestiglichin schuezin unde vortedingen sullen, wie dicke ir das ymmer not geschit. [8] Ir sullen ouch unser erbin, ab wir die gewonnen, odir die, den wir unser lant unde herschaft nach unserm tode zcu volgene machin unde gebin, vorbriefen, vorgewissen unde machin, das sie ir das lipgedinge, als vor unde nach geschribin stehit, ab ys zcu schuldin queme, vestiglichin unde unvorbrochlichin halden 5 unde volczihen sullen unde sie in keyne wiis darane erren, ane arg unde ane allis geverde. [9] Darumme das wir ir dy obgeschribin slos unde stete zcu irm libe ggeben habin nach unserm tode, so had sie sich des lipgedinges, das unser brudere unde wir ir vor gemacht unde vorbriefet habin, williglich unde unbetwunglich vorczigen unde sich das geusert unde alle huldunge ledig unde los gesaget unde globyt ouch des nymmer 10 zcu vordern noch nymand von iren wegen, unde derselbe brief, den wir unde unser brudere darubir ggeben habin, sal vortmer keynerleye kraft noch macht habin. Unde das alle vorgeschribin rede, stucke unde artykel von worte zcu worte stete, gancz unde unvorruckt von uns, unsern erbin, ab wir die gewonnen, unde von den, den wir unser lant unde herschaft nach unserm tode gemacht hetten zcu volgen, vestiglich gehalten 15 werden ane allirleye argelist unde geverde, des habin wir zcu orkunde unde merer sicherheyte unser furstliche insigel an dissen geinwertigin brief lassen hengin. Dabie sint gewest unde sin geczuce dye edlen er Albrecht buregrave von Lisnig herre zcu Penig, er Albrecht buregrave von Lisnig herre zcu Muczschin, die gestrengin er Friderich von Wyczleibin, er Heinrich von Bunaw, Conrad von Brysenycz unde ander lute genug, 20 den wol ist zcu gloubin. Gegeben zcu Rochlicz nach Cristi geburt dryczehin hundirt iar in dem siben unde achczigesten iare an sente Walpurgen tage der heiligin iungfrouwen.

213.

Weimar, 1387 Mai 16. 25

Hdschr.: Or. Perg. Hauptstaatsarchiv Dresden No. 4577. Die 4 SS. an Pergamentstreifen.

Wetzel, Otto, Gerhard und Liebman von Grefindorff Gebrüder bekennen, daß sie mit Landgraf Balthasar, dessen Gefangener Wetzel war und der ihn losgelassen hat, gesühnt sind und schwören ihm eyne rechte orfede —, daz wir daz in keyn wiis nymmer gesachin sullen noch wullen tzu dem egenanten unserme herrin, sinen erben, iren landen 30 unde luten unde alle den, die des egenanten gefengnißes — tzu schigken gehat haben. — Zeugen: die edeln her Vlrich grave von Honstein herre daselbens, her Ernst der elder grafe und herre tzu Glichen, her Gunther von Swartzburg grafe unde herre tzu Sundirshusen, er Conrad von Tanrode herre tzu Stusferte unde die gestrengen er Albrecht von Kranchborn ritter und Ditherich von Bernwalde marschalk unsers egenanten 35 herrin —. Geben tzu Wymar — drytzen hundirt iar dornoch in dem siben unde achtzigisten iare am donerstage unsers herrin uffart.